

8

CHL 5235/2116

Harvard College Library Imaging Services <http://imaging.harvard.edu>

CM	0	1	2	3	4	5	6	7	8	9	10	11	12	13	14	15	16	17
Lab D50 2'	95/0/2	81/0/0	66/0/0	51/0/1	35/0/0	20/0/0	29/19/-54	55/-39/33	42/57/29	82/4/79	51/50/-13	50/-28/-29						
	38/14/16	66/16/18	50/-5/-22	43/-14/21	55/-9/-25	71/-32/0	62/34/60	40/9/-43	52/48/17	31/21/-21	72/-23/57	73/19/68						

RECEIVED
FROM THE
HARVARD-YENCHING
INSTITUTE
JAN 5 1952

HARVARD COLLEGE LIBRARY
FROM THE
HARVARD - YENCHING
INSTITUTE
JAN 5 1932

THE UNIVERSITY OF CHICAGO
LIBRARY
540 EAST 57TH STREET
CHICAGO, ILL. 60637
3221 8 1166

詩序

詩之興也。自周初。其志以後。與元日。身于。是士。其間。始

興。詩。類。多。感。物。悲。歡。之。語。亦。其。時。之。使。然。也。若

此。之。道。山。惟。金。士。不。仕。為。詞。吟。揚。王。學。康。始。漢

之。末。方。自。實。際。于。古。子。既。變。其。已。成。已。其。道。亦

其。道。也。山。惟。金。士。不。仕。為。詞。吟。揚。王。學。康。始。漢

之。末。方。自。實。際。于。古。子。既。變。其。已。成。已。其。道。亦

其。道。也。山。惟。金。士。不。仕。為。詞。吟。揚。王。學。康。始。漢

河汾諸老詩序

哈佛大學
哈佛葉宗
圖書館
珍藏
印

金源氏自興定以後與元日尋干戈士生其間形
之聲詩類多感慨悲歎之語亦其時之使然也若
太原元遺山值金亡不仕為河汾倡正學麻貽溪
張石泉房白雲陳子京子颺段克己成己曹允齋
諸老與遺山游從宦寓中一時雅合以詩鳴河汾
大德間房公祺編集成帙今所傳者是也遺山之
文為一代宗工別有集行於世房公獨取諸老當

河汾詩
一
金元混擾困鬱之中其詞藻風標如層峯盪波金
堅玉瑩絕無突梯脂韋之習纖靡弛弱之句河汾
之士真足尚哉侍御沁水李公叔淵企仰鄉賢出
是集以畀開封同知謝侯景星刊行將以正士氣
嚴禮防以興起嵩洛之士罔俾河汾諸老專其美
也天下之士聞之誦之寧不惕然有所感耶

弘治十一年秋八月吉旦中憲大夫河南按察司
副使濩澤車璽識

河汾諸老詩集後序

近代詩人遺山元先生為之冠先生太原人太原
境與平陽接河山勝槩地土所宜習俗所尚古今
人物不殊至如師友淵源文章正脈略與之等故
河汾間諸老與天下人材無讓麻貽溪與元老詩
學無慙古文出其右公言也張石泉房白雲與元
老游從南者子颺子京二陳昆仲與元老或詩或
文數相贈遺者遯菴菊軒有稷亭二段之目與元

河汾詩
老相次登第者曹允齋與元老同為省掾日以文
詩講議者或曰允齋雲中應人也吾子列河汾之
間得無附會歟不然允齋之先誠應人自容汴梁
北渡居平陽者三十餘年發明道學為文楷式指
授後進桃李光輝盈溢其門或教授鄉里或宦達
四方有二子叔舉季行文筆亦盛傳而况狀元王
公趙城人曹之外父也允齋生而隱德光輝汾晉
沒而丘壠在焉豈非吾鄉先生歟夫諸老之詩有

深而冲澹如陶柳者有豪放如李翰林劉賓客者
有輕俗近雅如元白者有對屬切當如許渾者有
騷雅奧義古風大章浸入于杜艸堂之域者往年
吾友楊君仲德議成此集不幸早世仲德有云不
觀遺山之詩無以知河汾之學不觀河汾之詩無
以知遺山之大不觀遺山河汾之作不知唐人諸
作者之妙不觀唐人之作不知三百篇六義之深
意予今纂錄自貽溪至允齋凡八人得古律詩二

河汾詩
二
百一首號曰河汾諸老詩集皞。郝先生序文於
前其備不肖繼言于後才識淺陋不能盡其蘊雖
然吾鄉學者如林有能慕河汾之派觀是集者知
所興起云大德辛丑歲二月望日橫汾隱者房祺
序

河汾諸老詩集者迺大同路儒學教授房先
生之所編也予一日得之惜乎諸老一代高
名百年清氣已嘗遍白于天下是集未嘗流

布也皇慶癸丑夏特命工鋟木以廣其傳然
而諸老之學又豈專乎詩也出處大略已具
前序今書是說以告夫後之學者不為無益
云六月吉日尊賢堂高昂霄具白

河汾諸老詩集目錄

貽溪麻先生革信之

上雲內帥賈君

送杜仲梁東游

短歌行送薛微之

關中行送李顯卿

阻雪華下

置酒半山亭

歸潛堂為劉京叔賦

守約齋為呂仲和作

楊將軍坰馬圖

題李氏寓酒軒

廬山兵後得房希白書

晚步張鞏田舍
板橋道中

過陝
為王德新壽

為秦人梁帥壽
送申生取新

寄杜仲梁
寄元裕之

竹林院全張之純賦

中書大丞相挽詞
密國公挽詞一首

王子壽生朝
送李端卿之鄴臺

為喬子春壽
贈劉伯威

贈王明伯
秋夜感懷

趙太監降日
雲中夜雨

渡洛
浩浩

石泉張先生字彥誠

送趙宜之歸辛安
雌雞行

雲溪秋泛圖為閩國寶賦

采蓮曲
哭姪

感懷

弔蕭同知

上巳日遊平湖

送田茂卿赴都

和李子微邨居

送李仲暉之洛西

送馬德新

贈皇甫德璋

和劉敏之韻

秋日出郭

和李濟夫韻

荆公

襄陵北城溪坐

閑述

默軒陳先生賡子颺

遊龍祠

峴山秋晚圖

子猷訪戴圖

缺拄杖

武善夫桃源圖

送李長源

寄楊正卿

西庵

宣宗挽詞

寒食祀墳臨晉

送寇輔臣

蒲中八詠為師崑卿賦

蒲津晚渡

冀坂曉行

舜殿薰風

首陽晴雪

東林夜雨

西崑疊巘

媯汭夕陽

土官飛湍

陳先生庾子京

送麻信之內鄉山居

弔麻信之一首

荅楊煥然二首

清明後書懷

送孟駕之赴關

病後贈姚仲寬居士

懷家兄子颺

贈李彥誠

峴山秋晚圖

題師崑卿蒲中八詠

白雲子房先生皞希白

江上行

賣劍行贈韋漢臣

扣角歌贈史吉甫

貧家女

送王升卿

題呂仙亭

寄呈岳陽諸友

張信之見山堂

王鼎玉生子

戊子

寄段成之

次韻寄王升卿

辛卯生朝呈郭周卿段復之

贈趙山甫

哭楊旻能

次李正甫九日韻

憶新墻劉德淵

思隱

寄王文炳

和楊旻能之字韻

丙申元日

辛丑巴東元日

秋夜

自遣

別西湖

題張濟之勝覽軒

讀杜詩

春日觀菜

遜庵段先生克己復之

乙巳清明遊青陽峽

題興公靜樂庵

冬夜自適

中秋二首

雲中暮雨

憶梅

與隱之會午芹精舍

楸花

五
五
海古閣
荀軒段先生成已誠之

題容安堂

題靜樂堂

蘇氏承顏堂

秋暮山行圖

送孫仲文行臺之召

醒心亭

送尋正道

三堂王自寫真

秦得真墨

送馮資深西歸

嗅梅

明皇小決圖

如夢庵

雲坂曉行

首陽晴雪

書蒲中八詠後

允齋曹先生之謙益甫

送梁仲文

感寓

變白頭吟

閑中作

東坡赤壁圖

風雪障面圖

秋日雜詩

寄元遺山

懷李仁卿

麻信之為壽

送王仲通

上巳日感懷

白菊

紅葉

北宮

種德園

寄鄉中故人

送侯君美歸雲中

自趙城還府

讀唐詩鼓吹

弔王內翰從之

上韓應州

憶劉京叔

宿雲臺觀

中條阻雨

初秋雨後

九日

鴈

幽居有感

秋風亭故基

除夜

送李郭二子還鄉

中書耶律公挽詞

廟學釋奠

李端卿東行

子猷訪戴圖

梅影

秋夜

臨潼溫泉

長安早發

秋夜聞笛

廢宮

過如越嶺有感

蒲津晚渡

雲坂曉行

河汾諸老詩集目錄

河汾諸老詩集卷一

橫汾隱者房祺編

貽溪麻先生革信之

上雲內帥賈君

北極長虹掣西垣太白高千年知運圯四海共兵
 塵霧黑龍蛇鬪山昏虎豹嗥石傷填海羽波動負
 山鰲遺介潛寒渚驚鼉走夜牢江山留慘黯天地
 入煮蒿衆折思枝柱初寒俟蠶繅明良逢慶會鄉

曲得名豪梁棟因人出，餘艘為世操。安流欣鼓枻，
奔浪獨能篙。日出戈揮景，江翻弩射濤。風聲連頰
洞，裁鑿悉纖毫。桃李勤封植，茅菅日薙薶。獵場游
麋鹿，魚渚動鰮魚。井邑生春色，禾麻飫土膏。民歌
烏遶屋，士喜馬騰槽。朔塞閑刁斗，天山擁節旄。岱
嵩何落落，江漢自滔滔。大寶珠仍璧，長城雉與壕。
崇牙分檠戟，大壤屬韃橐。日月依龍德，風雲挾豹
韜。夾山群戰騎，黑水泳輕舸。落日觀魚浦，秋風射

雉。臯化行家置，塾役簡里停。馨歌奏投壺，室文閑
治獄。曹西庵談性理，東閣會竒髦。森爽開璜琥，縱
橫列雁羔。禮容新泮宇，物性遂莊濠。牧唱聞朝起，
樵音聽暮號。孤嬰收坎阱，流滯起蓬蒿。屢下陳蕃
榻，誰空北海醪。郤軍敦禮樂，曹館富風騷。客望龍
門聚，雛從鳳穴翱。世知三窟隘，人可二天迢。雨露
承恩命，山河襲世勞。功名高衛霍，輔弼慕伊咎。鞍
馬憐髀肉，簪纓視鬢毛。雅申張仲德，頌入魯侯昭。

有客傷淪落無堪罵鬱陶太行雲幕代北雨淫
淫去國心將折懷人首獨搔身如伏櫪驥情似失
林猿涸轍將安往窮途况所遭幸今逢匠石直欲
啖醜糟忖已誠無有登門亦已叨沐薰良備至感
激欲號咷已客馮驩舍猶傷范叔袍鳴須開匣劍
割欲試鉛刀杞梓容山木包羞薦沼芑每思休困
頓佳蔭有蘭幕

送杜仲梁東游

仲梁先稱善夫

野馬何決驟飛雲何悠颺商崑不足稽此士又欲
東略宋與梁青山不知老白日乃許忙菊潭之水
清泠淵野人飲之得長年芳醲不買壽淡泊差可
久北山峩々蒼翠巔丹崖石老生紫烟靈芝秋杞
老霜骨黃精茯苓飽新斲望君蘄々病以癯酌之
食之可以還膚腴况有劉荊州元丹丘子寧舍之
汗漫遊涼秋佳月酒一杯送子東下心徘徊半山
亭前一茅屋歲寒霜勁君當來

短歌行送秦人辭微之赴中書

河流宿層冰山有太古雪
翩、有客來老面黑於
鐵盤、曾臆間猶挂太華
月不肯下貴勢便欲叫
雙關朔寒衣裳單路遠
馬蹶躓昔人丈夫事肝
膽不可越我歌送君行
歌聲何激烈悲風為我
起酒行歌半闕望君青
雲端何恤遠離別

關中行送李顯卿

關中行我持一盃酒送君
西入秦秦川鬱相望渭

水流云、黃河中折倏復
來太華倚天青壁開我
送君芳渺何許春風不肯
吹君迴舉酒酌五陵浩
歌登高臺終南之山何
崔嵬長安舊遊安在哉
百年繁華成劫灰千古英
雄沉草萊風塵灑洞豺狼
墓天地茫茫、入烟霧我
載歌送君去太華終南
宜有深絕處崑崙人跡
所不到石壁蒼苔老煙
雨草堂挂女蘿充腹多
薯蕷玉井蓮開十丈花
茯苓根結千年樹白雪
青松良可老鹿門有龐
商有皓不

然凌雲學輕舉呼取安期羨門語憶昨與君友相
逢日日酬杯酒酒闌起舞肝膽開小桃唱罷歌楊
柳晉語狎秦癡秦談驚晉叟秦晉之交那可無胡
為不作雙飛鳧碧草離離生早春哀歌望斷西南
雲求君於終南之上不可得太華峰頭會見君

阻雪華下

愛山久成癖得山真雋永太華隔風塵五年夢幽
境傳聞十大蓮擬扣玉仙井雪花忽迷漫蒼巔墮

昏暝蹇予世緣深方外久自屏意是希夷君俗駕
疎造請行々風撼林稍々雲度嶺雲間三峯面隱
約露芒穎初如灑瀨堆屹起勢奔猛漸如倚天劍
萬仞鐵花冷烟霞半明滅瞬息變光景乃知造物
心相哀亦相警歸鞭晚忽々回首心耿耿浩歌夜
深寒孤月挂峰頂

置酒半山亭 得秋字

懷抱久不寫兀坐如繫囚永懷西山勝浩蕩成茲

游崑壑互竅窳叢蘿鬱深幽飛烟入虛無長風跨
崑丘楚甸散林莽商顏亦綢繆雷雨天地空景氣
入夜浮沉當節律變萬物颯以秋雲來白日慘天
澹清江流西望渺關河沉沉生暮愁蘭若暗幽谷
芰荷老芳洲一笑舉酒觴浩歌聊自酬幽賞興未
極慨歎心悠悠世事蒼茫外寒沙明白鷗

歸潛堂為劉京叔賦

逃淵魚深處避弋鴻冥飛古來賢達士亦復歌采

薇南山先廬在兵塵悵睽違山空無人居惟見草
木肥翩然千歲鶴一朝復來歸新築臨渾水行途
窈以微清流鳴前除白雲入晨扉廻顧陵谷遷萬
事倏已非著書入理奧得句窮天機前路政自迫
此道倘可幾毅勤抱中璧甃勉留餘輝第恐遞世
志還負習隱譏永懷泉上石一觴與君揮惜無凌
風翰遐舉非所希

守約齋為呂仲和作

讀書不務博造道當入微一理貫萬理一岐會衆
岐譬彼庖丁刀騞然解牛時節間即有得冝繁寧
復起道喪向千載聖遠孰可期養勇敵所愾養氣
動以随心非安如山遇變鮮不移吾門有聖學觀
心乃其師宴坐一室中自得寔在茲胡為滯紛惑
紉繹如蠶絲人生矧多欲事物日以滋牛羊踐往
蹊虎豹攻藩籬我嘗叩天理誠明不容欺第恐達
者事還為狷者嗤

楊將軍坵馬圖

古人相馬不相肉画工画馬亦画骨淡々生綃一
片雲眼中群龍何突兀飛菟汗血天驥種筆墨之
間見飛動前趨後逐互有態涉嚙行留兮向背豐
草長林性本真駟々駟々相與馴開元天子盛監
牧四十萬匹錦繡屯人言息馬戰所重風鬣霜蹄
惜無用君不見幽燕飛鞚時中原流血成淵池祇
令征討苦未休金鞍鍔甲弥山丘安得放歸如此

馬飲水求芻恣閑暇

題李氏寓酒軒

吾聞李謫仙一斗詩百篇酒家眠又聞陽諫議月
廩盡以送酒錢伯倫酒德頌無功醉鄉仙說到飲
中理茲世何渺然古來賢達士以酒全其天所以
陶靖節浩歌歸園田獨予醉翁之意不在酒樂在
山水靜所便古人已矣不可作今人紛紛亦能賢
北里富熏天高樓歌舞筵千金結客多少年哀吹

豪竹倒傾玉船以酒互為市地勢相婣媯焉知貧
士貧到骨健倒仰天歌黃鵠黃鵠歌罷無翼飛妻
啼兒號書一束借問主人翁心跡誰與同我亦頗
解飲聖賢時一中酒酣擊尊破兩耳生春風安得
園綺遇攜我入山去清泉為釀碧溪深醉卧溪頭
弄雲月

廬山兵後得房希白書知弟謙消息

聞道王師阻渭津廬山以後陷兵塵軍行萬里速

如鬼風慘一川愁殺人亂後僅知家弟在書來
與故人親夢中亦覺長安遠回首關河淚滿巾

晚步張鞏田間

地入荒蕪過客稀邨深門巷暮山圍悠悠獨鳥穿
雲下策策寒鳥掠日飛人事百年梧葉老秋風萬
里稻花肥兵塵河朔迷歸路惆悵平沙送夕暉

板橋道中

篁竹瀟々野水濱光風過眼與時新陰崖積雪猶
含凍遠樹浮煙已帶春世故未應悲古道歲華聊
得伴閑身蕨芽筍稚行當好莫擬山中問主人

過陝

萬古津茅據上游峻函西去接秦頭悲風鼓角重
城暮落日關河百戰秋形勝古來須上策塵埃歲
晚只羈愁豺狼滿地荆榛合目斷中條是故丘

為王德新壽

百年人物惜凋零尚喜衣冠見老成數口藿鹽憂

桂玉一川風雨獨柴荆紅顏未羨方春好黃髮應
從此夜生異日華林講殊禮不妨鳩杖從公行

為秦人梁帥壽

功名萬里駕龍荒不作當年陞楯郎顏角久瞻天
上日鬢毛未點鏡中霜衣沾暑雨千秋潤扇引薰
風六月涼見說長年出冲靜海山求藥本微茫

送申生取新赴中書

寒山漠漠日初曛過盡瀟瀟鴈鷺群百代高歌餘

白雪一朝飛步上青雲倚門骯髒誰怜我滿腹精
神獨見君看取扶搖便鵬翼臨岐且莫嘆離分

寄杜仲梁

塞上愁多雲易陰故人雖在鴈無音交情念子黃
金重世故稽人白髮深芳草春風千里夢青燈夜
雨兩鄉心岱宗入眼東南秀悵望雲山淚滿襟

寄元裕之

朔雲陰雪晚重日入寒蕪塞艸空沂水東回無

去翼天山南斷有哀鴻三年遠別交情外一夜相
思客夢中明日關河對雙淚祇將幽憤寄秋風

竹林院全張之純賦

柳色侵尋映短籬竹梢零亂挂殘暉山禽自識忘
機客飛下庭柯更不飛

稍々林閒布穀聲邨南邨北水雲平偶來竹寺看
山坐閑聽清溪遶舍鳴

中書大丞相耶律公挽詞

甲辰五月十四日

砥柱中流折歲舟半夜移世賢高允相人歎叔孫
儀未拜荊州面嘗蒙國士知無階陪引緋萬里望
靈輶

又

文獻群公表東舟八葉傳瑤璋貽嗣德蘭藻靄遺
編禁籍虛青瑣神游定玉泉太常千字誄誰有筆
如椽

密國公挽詞

鬱々佳城閉，翻々銘旌開。風悲信陵墓，雨入孝王臺。
萬古傷梁壞，千年望鶴來。平明國門外，簫鼓下勝哀。

又

漢制隆恩禮，周封列屏翰。人知尊帝胄，我但識儒冠。
零落傷蘭桂，孤高歎鳳鸞。從今門下客，長缺向誰彈。

王子壽鄉友生朝

自接夫君席，頻逢歲律更。面嚴知氣直，語出見生平。
講學詩書義，論文里社情。須髯如戟在，長對玉峰明。

送李端卿之鄴臺

僮馬戒晨裝，新霜木葉黃。嗟予無壯節，送子慘離腸。
林慮荒秋色，清漳下夕陽。遙知一尊酒，弔古鄴城傍。

為喬子春壽

河汾詩
十二
講道顏淵巷新齋友與同守身為大節寔欲是全
功教子勤書裏娛親養疾中黃花佳節近歲々看
秋風

贈劉伯威

劉子山中秀相逢氣自同箕裘門戶計菽水古人
風折節豈為辱苦心應有終平生湖海志未用哭
途窮

贈王明伯

遼海遺珠在黃華秀未空百年書法裏萬事酒盃
中耿耿此心在悠悠吾道窮好賢明達事獨喜與
君全

秋夜感懷

老境歡娛少愁懷感歎長世途多險阻興渺蒼
茫疎雨梧桐夜西風蟋蟀床平明攬青鏡衰鬢又
添霜

趙太監降日

自從龍戰野特立孰如公著跡雲鵬上收功汗馬
中高談天下計餘事古人風勿藥行逢喜春風兩
頰紅

雲中夜雨

憔悴杜陵客悲涼王仲宣四圍晴立壁一突午無
煙病卧秋風裏愁吟夜雨邊明朝誰裏飯萬一使
君憐

渡洛

泉石經行又林丘弭望間溪鳴風蕩水谷暗雨含
山淡々輕鷗沒飛々倦鳥還世緣良日苦空羨野
雲閑

浩浩

浩浩春風裏悠悠倦客情天寒花寂寞冰泮水縱
橫念遠心將折聞兵夢亦驚江山憔悴久倚杖歎
餘生

河汾諸老詩集卷一

河汾諸老詩集卷二

石泉張先生字彥升

送趙宜之歸辛安兼簡洛下諸友

悽惻復悽惻送君汾水側
人生歡會少一別難再
得昔經劫火然二鳥奮驚翼
嗷嗷各何之全落天
西北日夕相和鳴此樂未易極
狂風忽吹散一鳥
歸故國翱翔入寥廓
萬里期一息鄧林有餘陰未
肯栖枳棘玉山有嘉禾未肯求粒食
一鳥獨未歸

羸老無力矯首思舊群潛然淚沾臆

雌雞行

雌雞粥粥將鳧兒鳧兒入水雞鳴悲岸南岸北飛
且隨但恐搏攫遭鳧鷗岸傍無食寧飢死朝暮不
肯須臾離傍人爭笑愚且痴我哀物理為人欺

雲溪秋泛圖為閩國寶賦

晴嵐滴翠霜樹殷石錦錯落苔花班人家隱約荒
靄外但見籬落連柴關兩山中斲忽空曠下有碧

水之潺湲幽人航葦迷遠近思致偃蹇無容攀定
非鴟夷成霸業一舸五湖烟浪寬又非坡仙遊赤
壁酒酣浩歌江月寒亦當拄杖橫膝看南山心與
白雲相對閑胡為厭山瞰芳渚岸草汀花適幽趣
有聲詩画無聲詩夏蟲未易寒冰語或云此本張
季鷹蓴鱸忽憶扁舟輕蹇予有家歸未得一見秋
風羽翼生

採蓮

分得底字

溪風搖搖波瀾瀾十里芳華焔清沚蘭舟女郎紅
玉春日射新妝明水底芙蓉雙臉百媚生吳宮西
施漢良娣藕腸折斷雪絲牽入手花枝香茫茫隔
岸誰家貴公子調笑新詞歌艷體吳儂變風有如
此誰念采蘋供祭禮

哭姪

學業方成二紀過虛舟一夕殞頽波死皆有命伶
渠早老獨無依奈我何歸計雲山空莽蒼愁懷日

月暗消磨白楊半夜風瀟瑟盡是吾兒薤露歌

感懷

世路羊腸劇險艱天心應厭著儒冠老無子息休
心易負有交親託事難文字售人真滯債廉平養
已似閑官義經讀罷無人會庭竹瀟森夜月寒

甲蕭同知

蕭蘭一夕隕秋霜數載交情遽忍忘遊覽雲山春
並轡笑談風雨夜連牀治心我謂當誠慤處已君

言貴肅莊此理從今誰與論隰州松月渺蒼蒼

上巳日遊平湖

微風漠漠水增波
襖事重修總永和
脆管當筵清似語
扁舟爭岸疾如梭
一時人物成高會
千里雲山入浩歌
日暮芝蘭無處覓
野花汀艸占春多

送田茂卿赴都

宿雨初晴草木齊
一杯汾水恨分攜
上林曉色多鶯友
長路春風入馬蹄
黃卷可能無斗祿
青雲自

是有天梯從來俊傑知
時務莫為寒窗故紙迷

和李子微邨居

健羨南溪老幽居
水石間心無塵事汨身與野雲
閑院靜深葳竹墻
低易得山蒲團香一炷
花落鳥喧喧

又

別墅荒城外居閑事事幽
栽松添野色接鋸引溪流
詩社分新韻村醪洗舊愁
更求名與利騎鶴望

揚州

送李仲暉之洛西

同是思鄉客君先著祖鞭
驪駒歌落日去雁入高天
莫戀河濱粟當耕谷口田
親朋倘相問為報已衰年

送馬德新

馬弟吾鄉秀青雲正壯年
四知雖自畏六戒得師傳
秦府開賢路瀛洲列俊躔
秋風黃鵠健老眼看

高騫

贈皇甫德璋

明德本生公醫名一代雄
杖頭閑日月舌上舊家風
雅趣錢神外高情酒聖中
治人陰德在壽骨秀而豐

和劉敏之韻

城居寧不好未易著閑人
客至慙無酒詩成莫療貧
譚天雖有口無地可安身
美殺清江鷺生來不

受塵

秋日出郭

離離禾黍滿郊墟棗實紅殷接野間
四十年来無史筆有年今日仗誰書

和李濟夫韻

午夢遊仙鳥喚迴竹陰掃地淨無埃
莫言嘉客閑中少時有清風自往來

荆公

作古非今禍已成亦知鬼責與天刑
試看一病遺言處猶勸傍人誦佛經

襄陵北城溪坐

楊柳陰陰水氣涼椒花蔌蔌野風香
地偏愈覺似閑整始信擒昌化日長

閑述

此性生而與道俱靈源常患少人疏
楊侯一語崇經學士子爭相讀四書

解作時文一二篇曾中意氣已掀然何如剖破醯
雞瓮看取人間大有天

河汾諸老詩集卷二

河汾諸老詩集卷三

陳先生賡子颺

遊龍祠

黃河如絲導崑崙萬里南下突禹門枝流潛行大
地底派作八道如霆奔吾聞川真嶽靈有冥宰况
乃利澤開洪源神龍窟宅瞰平野千古廟兒何雄
尊深林含蓄雷雨潤冷殿似帶波濤痕我來南州
走塵盆執熱未濯憂思煩試斟甘冽洗肝肺一勺

注腹清且燉悠然晞風坐東廡倏見繪画如飛騫
仙官華裾乘朱軒旗纛掩藹蛟伏轅雷公電母踏
煙霧天吳海若驅鼉鼉何時借取霹靂手倒挽銀
漢清乾坤廟前老翁願我語孺子未易排天關胡
為高論乃如此一笑滿面春風溫是時三月遊人
繅男女雜還簫鼓喧騫菱沉玉荅靈貺割牲醜酒
傳巫言巫言恍惚廟扉闔拜手上馬山烟昏

峴山秋晚圖

太山高嵯峨小山低崕嶺清江錦樹帶秋烟烟際
人家在林藪荆河迤南三峴山此圖定繪襄陽否
詩人翰墨丹青手落筆天機隨所有峴首真在襄
陽西遙觀漢水含風猗上有龜龍一片石云是羊
公墮淚碑試披禹跡考地志画師寧免詩人疑且
看滿眼江山好休作燕人過晉悲

子猷訪戴圖

兩晉崇玄虛風流變華夏舉世尚清談天地指一

馬依阿竹林賢鴻名重天下王郎衣冠冑亦復慕
草野偶來剡溪上溪水正清瀉扁舟信泂洄氣韻
可瀟灑誰與好賢心丹素入圖寫山陰懷古意欲
攬不盈把賦詩心夷猶六義媿騷雅西風塵冥
倘有知音者

鍊拄杖

閩王鍊杖如柳栗得自荒虛鬼神域鞭笞蚤蠻今
幾年霧翳雲蒸老蛟黑腹中有篁如細泉牙節宛

轉聲鏗然天生神物不虛棄提攜萬里歸坡仙坡
仙騎鯨凌紫烟海山一去今千年人間俯仰成今
古紛々長物何須數洛陽銅駝卧荆棘昭陵石馬
埋煙雨百斛鼎兩錢錐小大用舍俱兒嬉商顏鶴
髮一筇竹何似凌烟功臣玉具高楮頤黃閣得君
真耐久扶持四海經綸手會須拄到崑崙顛九點
青烟看九有鐵邪杖邪吾不知誠將道眼窺天機
一朝雷雨轟空陂須防化作蛟龍飛

武善夫桃源圖

武郎種桃滿雲溪三月紅雨行人迷自從玉勒入
雲馭春風杜宇年々啼飛黃騰踏有天倪紫電轉
盼天山低要將白壁沽蛾眉更把黃金鑄屨蹄義
和挾輶六龍馳暮景恐迫虞淵西新詩擬喚槐安
夢咫尺溪邊春色動飛花漠々水冷々蒼苔荒了
煙霞洞聞道西風解浣人何處江山可問津征塵
障斷仙源路且看丹青萬樹春

送李長源

月下孤鴻枕上雞高城今日又分攜九秋雲氣嶠
陵底萬里河聲砥柱西飲罷關山秋寂々詩成風
雨暮淒々千金善保并州器要放崑崙入馬蹄

寄陝郡楊正卿

西菴

臨川堂上看飛鴻十載西州一轉蓬親老家貧初
有累才疎意廣卒無功姦雄頗忌孔文舉富貴何
如張長公滿地塵埃浮世狹一帆思駕五湖風

又

遷客形容國士心
春風鶴髮不勝簪
鍾儀去楚衣冠異
王粲依劉歲月深
歲晚艱危無短策
酒酣悲壯動長吟
遙憐蘭省楊夫子
一紙書來抵萬金

宣宗挽詞

洛邑周初定
蒼梧舜不還
九天來鶴馭
萬國泣龍顏
儉德高千古
鴻勳際兩間
無由望弓劍
雲氣鬱橋山

寒食祀墳迴登臨晉西原廢寺

前朝廢寺枕山阿
尚有摩雲宰堵波
故國已非唐日月
老僧猶指晉山河
年來筋力登臨倦
亂後心情感慨多
石蘚荒碑碎文字
他年更得幾摩挲

又

當年雲構倚天開
一夕烟塵化劫灰
佛閣丹青餘瓦礫
禪房花木亦蒿萊
春風萬里騷人怨
落日千秋社宇哀
斷礎荒煙無限意
一章詩律為誰裁

送寇輔臣

古陌風塵點客衣
送春君亦伴春歸
東風不管離人恨
吹落楊花滿地飛

蒲中八詠為師崑卿賦

蒲津晚渡

雲濤注壺口水府
蟠九壘公子莫爭舟
蛟龍方翫

雲坂曉行

伯樂沉九原泥塗困
騏驎千古長坂空
無人知此意

舜殿薰風

崑廊鳴五絃薰兮南
風來鳳去徽音絕
智井生莓苔

首陽晴雪

天風吹瓊瑤白冒首
陽頂欲和采薇歌
千山凍雲冷

東林夜雨

林壑冷含秋風雨黯如海何如贊公房青燈淡相對

西崑壘巘

梵刹盤空曲烟霞錦繡紋山靈倘招隱徑入萬重雲

媯汭夕陽

冀階降英皇此地嬪有虞南巡竟不返愁雲接蒼

梧

王官飛湍

懸流落雲崑遙空挂飛練何時斲清冷一頰黃塵面

河汾諸老詩集卷三

河汾諸老詩集卷三



